

童玉女接待蘭烟傳且向來所啓之誠速達徑御

至真無極大道

昊天玉皇上帝御前

出堂頌 出戶

傳七

六

道門科範大全集卷之四十

道門科範大全集卷之四十一同卷二 傍八

三洞經錄弟子仲勳編

安宅解犯儀

一時行道

法事陞壇如式

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名利玉簡 字錄帝房 乘殿散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 和與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓關啓玄壇土地方域神真巨今

陞壇行道謹奏為入意其諸忱悃已錄告聞

願得

太上十方至真道炁靈寶瑞光下降流入巨

身中令巨所啓速達徑御

太上無極大道

昊天玉皇上帝御前

請稱法位

具位巨其與闔壇官眾等謹同誠上啓

太上無極大道元始天尊太上道君太上老

君十方無極大道道德衆聖天尊至真大帝

天帝三十六部專經玄中大法師土府太皇

太始五帝中黃戊己應感真靈巨聞大道融

真元皇御運五文開教三洞宣行天尊垂廣

濟之科太上指無疆之澤陶鈞庶品極慶奉

生且億劫良因被沐玄化龍書鳳紀玉札瓊

篇得以稟修用期昇度而告盟之始約拯救

為先凡有所陳不容靈絕况奉詞旨敢不上

聞齋意忱誠謹當宣奏

宣詞

按如詞言情誠丹切理宜開度以付玄慈竊

惟五太之前三靈分化泊于太古未雜澆漓

冬穴夏巢懷道抱德各安所適玄會無為自

數兆陰陽象垂棟宇吉凶善惡倚伏相乘順之則代享禎祥違之則人罹災沴聖真引訓懲濟為心憾罪祈恩俾崇齋直臣等相攜同榻平按典儀式建壇場以祈福祐以今陞壇行道請法眾等運茲初捻上香

願此香烟騰空供養

十方無上道寶天尊巨等皈身皈神皈命首體投地以是捻香功德歸流社稷專靈宗桃先聖清都瑩霄紫極延祥福被宸居慶傳帝業比高衡而作配與日月以齊明太子諸王承匡聖業賢良輔克贊謀猷萬國福航羣生昭泰今故燒香自歸依道尊大聖眾至真之德得道之後保天長存和與道合真

以今陞壇行道請法眾等運茲二捻上香願此香烟騰空供養

十方無上經寶天尊巨等皈身皈神皈命首體投地以是捻香功德歸流齋官某家九祖七玄先靈幽爽棲神絳苑鍊魄丹臺襲氣毋以登真御雲躋而託化福資來裔澤及存亡

克荷玄休常承元吉今故燒香自歸依經尊大聖眾至真之德得道之後升入無形和與道合真

以今陞壇行道請法眾等運茲三捻上香願此香烟騰空供養

十方無上師寶天尊巨等皈身皈神皈命首體投地以是捻香功德歸流齋官某家眷屬宗親同滋禎福延壽永禍滅災消泊乎宅宇龍神陰陽將吏運功後實加爵增勳納吉祐於中宮蕩災凶於外域今故燒香自歸依師尊大聖眾至真之德得道之後永天長存和與道合真

唱方 懺方 三啓 三禮

重稱法位

具位巨某與闔壇官眾等謹同誠上啓

金闕虛无九清上帝瑤臺瓊閣妙有高真土府真皇大帝應威一切真靈巨聞道化既彰玄風遐扇生神變化以暢神功由是羽殿霞房凝雲結氣浮雲表象應物効靈上古聖人法天體道肇興宮室以代穴巢取則二儀分

靈五氣爰設陰陽之位乃明凶吉之殊天地正神以司其任善則延祥致福克保安寧惡則降禍流殃蹈茲凶咎遂著修禳之品俾申祈謝之儀况志在立功職惟濟物凡有投告敢不上陳齋官某以築室營居不明禁忌慮

因締音犯觸神明恐上犯天靈四時六氣違逆正道延降凶衰又恐旁犯太歲太陰飛廉豹尾陰陽刑殺支干眾神又恐下犯地司九宮八卦地官土府陰境靈祇與役運動違神道又恐所居之地歲月浸深或是故園田墟宮城遺址或是神山靈跡福地勝居或是先哲古賢丘陵墳墓或是城隍社廟郊祀壇場或是敗壘故營戰爭之地或是盟壇誓處或是廢市空廓或是腐骨窮魂尚為依託或是透神之鬼猶有所憑凶怪時彰災妖或起凡情靡測禳謝無方今按靈寶真經正一科品齋持法信崇建道場法地像天祈恩悔過巨等輒依科典虔備焚修關奏上真解滯災咎普十方而懺懺仰三寶以皈依伏冀大聖垂光高真下濟敷四

司官屬五帝威靈洗滌過尤旁流福社使龍

神正職安鎮其方沴氣邪精潛靈厚地凶災

珍息故氣消亡居止又寧存致安泰五瘟四

毒無害於人水火刀兵無傷於物七玄開度

長夜光明祿壽遐長子孫忠孝內無天橫家

有禎祥帝澤宸波永安於北極五風十雨咸

若於中天百穀豐登五兵偃戢飛沉蠢動九

夜三途俱仗玄功共均齋福上明

天尊大慈之澤下副信人至懇之誠謹啓以

聞

十二願

復爐 香官使者左右龍虎君侍香諸靈官當令

向來行道之所自然生金液丹碧芝英百靈

衆真交會在此香火爐前當願十方仙童玉

女接待蘭烟傳臣向來所啓速達徑御

至真無極大道

昊天玉皇上帝御前

出堂頌 出戶

道門科範大全集卷之四十一

道門科範大全集卷之四十二

三洞經籙弟子仲勵編

安宅解犯儀

散壇行道

法事如式

各禮師存念如法

宣衛靈呪

五星列照煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘騰散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闕啓玄壇土地方域神真臣今

設醮行道護奉為入意其諸誠悃已錄告聞

願得

太上十方正真道炁靈寶瑞光下降流入臣身中令臣所啓速達徑御

至真無極大道

昊天玉皇上帝御前

請稱法位

具位臣其與闔壇官眾等謹同誠上啓

太上無極大道元始天尊太上道君太上老

君十方無極大道道德聖天尊至真大帝

天帝三十六部尊經玄中大法師土府太皇

太始五帝中黃戊巳應感真靈臣聞萬象未

形一元肇啓虛无大道為生化之根元清淨

真風乃陰陽之宗本於是先分二氣後顯三

才尊卑之位既彰覆載之功攸著冬穴夏巢

之代淳樸未移上棟下宇之儀易象方作莫

不裁形天地取法乾坤定方圓之規列陰陽

之數順之則自天垂佑福被無疆違之則萬

物延災禍生不測吉凶斯在今古攸遵况復

處世多端修心未至動貽悔吝易積愆瑕非

託上真無由解謝竊聞天尊設教真文啓穰

鎮之科大道垂慈靈寶有懺祈之典敢緣斯